



INATSISARTUT

Aningaasaqarnermut Akileraartarnermullu

Naalackersuisoq

Ulloq: 25. marts 2026
J.nr.: 01.31.06/26-01169

Aningaasaqarnermut Akileraartarnermullu marlunngornermi ulloq 17. marts 2026-imi aalajangiineranik Naalackersuisunut ilisimatitsineq.

Peqqissutsimut tunngatillugu isumaqatigiissutip immikkoortuata atortussanngortinissaanut ilassutitut aningaasaliissuteqarnissamut qinnuteqaat. Ataatsimiititaliap suliaa nr. 01.31.06/26-01169.

”Naalackersuisut inassuteqarput,

- ilassutitut aningaasaliissutitut inatsimmut 2026-mut siunnersuummi konto pingaarneq 34.11.13 Peqqissutsimut aningaasaliissutit pillugit naalagaaffimmut isumaqatigiissummi aningaasaliissutit 0 kr., kontomut pingaarnermut missingersuutitut tapiisutit nutaat ilanngunneqartut malillugit allannguisoqassasoq.,
- aningaasaliissutit konto pingaarneq 20.11.70 Suliniutitut nutaanut sillimmatit 20.000.000 kr.-nik qaffanneqassasut,
- aningaasaliissutit konto pingaarneq 34.11.03 Dronnging Ingridip Napparsimmavisuanut qaffanneqassasut 10.000.000 kr.,
- aningaasaliissutit konto pingaarneq 34.12.01 Nunap immikkoortuini peqqinnissaqarfik, nakorsanit sullinneqarneq 30.000.000 kr.-nik qaffanneqassasut,
- aningaasaliissutit konto pingaarneq 34.12.05 Nuna tamakkerlugu nakorsaaserisoqarfik 20.000.000 kr.-nik qaffanneqassasut
- aningaasaliissutit konto pingaarneq 34.12.06 Ataatsimut aningaasartuutit 8.000.000 kr.-nik qaffanneqassasut,
- aningaasaliissutit konto pingaarneq 67.01.19 Naartunaveersaasersuineramik suliaq 35.000.000 kr.-nik qaffanneqassasut,
- aningaasaliissutit konto pingaarneq 86.60.01 Peqqinnissaqarfik, suliniutip nr. 47.051 Atortunut aningaasaliissutit 15.000.000 kr.-nik qaffanneqassasut, suliniutip nr. 47.053 Aserfallatsaaliinerami kinguaattoorutit 20.000.000 kr.-nik qaffanneqassasut, aamma suliniutip nr. 47.061 Peqqinnissaqarfiup inisimaffissaatai nalinginnaasut 10.000.000 kr.-nik qaffanneqassasut, aammalu suliniut nutaaq nr. 47.062 Ikuallattoqarnissaanut isumannaallisaaneq, DIN 15.000.000 kr.-nik qaffanneqassasut,
- aningaasaliissutit konto pingaarneq 34.11.01 Napparsimasut nunani allani katsorsarneqartarnerat, timikkut, 132.700.000 kr.-nik appartinneqassasut
- aningaasaliissutit konto pingaarneq 34.11.02 Napparsimasut nunani allani katsorsarneqartarnerat, tarnikkut nappaatit, 24.300.000 kr.-nik appartinneqassasut,

- aningaasaliissutit konto pingaarneq 34.11.11 Pinerluttulerinermi inatsit malillugu tarnimikkut nappaatillit inissinneqartarnerat, 26.000.000 kr.-nik 2026-mi appartinneqassasut”.

Aningaasaqarnermut Ataatsimiititaliap oqaaseqaatai apeqqutaalu

Suliami aalajangiitinnani Naalakkersuisunut apeqquteqaqqaarnissaq ataatsimiititaliamit aalajangiunneqarpoq.

Apeqqut 1:

Kontot pingaarnerit akornanni annertuumik nussuisinnaanermut kiisalu atuinerussutiniq atuinikinnerussutilluunniit aningaasat ukiuannut tullermut nuussisinnaanermut aningaasanut inatsimmi oqaasertaliussat attuumassuteqartut Naalakkersuisunut piginnaatitsipput.

Aningaasanut inatsimmi siunertanut kontonut aammalu kontot pingaarnernut oqaasertaliussat attuumassuteqartut naapertorlugit nuussinissanut piginnaatitsissutit Naalakkersuisunit atorpeqarsimannginnerannut suna tunngaviua?

Apeqqut 2:

Atuinerussutit atuinikinnerussutilluunniit ukiumut tullermut nuunneqarsinnaanerannut aningaasanut inatsimmi oqaasertaliussakkut piginnaatitsissutiniq Naalakkersuisut atuisimannginnerannut suna tunngaviua?

Apeqqut 3:

Aningaasartuutiniq atuinerussuteqarneq atuinikinnerussuteqarnerluunniit nutaamik inatsisiliornerup inatsimilluunniit allannguinerup nassatarippagu inatsisitigut pisussaaffigalugu aningaasaliissutiniq atuinerussuteqarnerit atuinikinnerussuteqarnerilluunniit ilassutitut aningaasaliissutit pillugit inatsimmi aatsaat ilanngunneqartassasut missingersuutit pillugit malit-tarisassani 2008-meersumi allassimavoq. Inatsisitigut pisussaaffigalugit aningaasanut inatsimmi aningaasaliissutit tassaapput ukiumi aningaasanut inatsiseqarfimmi aningaasartuutigi-sassatut naatsorsuutigisanik pitsaanerpaamik taggiinerit.

Tamanna tunngavigalugu konto pingaarnermi 34.11.11-mi, pinerluttulerinermi inatsit malillugu tarnimikkut nappaatillit inissinneqartarnerannut tunngasumi, aningaasaliissutit 26 mio. kr.-inik ikilineqarnerannut tunuliaqutaasoq Naalakkersuisunit nassuiarneqarsinnaava?

Apeqqut 4:

Ukiumit ukiumut aningaasanut inatsimmi aningaasartuutit qaffaatigisinnaasaannut killilius-saq piffissami suliami matumani pineqartumi atuuttussap eqquutsinneqarnissaa qanoq qulakkeerneqassava?

Apeqqut 5:

Folketingimut qineqqusaarnermut maanna ingerlasumut atatillugu Peqqissutsimut Inunnullu Innarluutilinnut Naalakkersuisup oqaatigaa sinaakkutitut isumaqatigiissummi maanna inger-

lasumi suliamilu matumani aallaavigineqartumi sinaakkutitut isumaqatigiissutip ukiuni sismaannarni atuunnissaanik allassimasoqanngitsoq. Naalakkersuisup matuma siuliani oqaariartuutai aaqqissuussinerup sivilissusissaanik suliami matumani paasissutissiissutigineqartunut qanoq ataqatigiippat?


Apeqqu 6:

Suliamut ilanngussaq 5-imi konto pingaarnermut 20.11.70-imut, suliniutinut nutaanut sillimatinut tunngasumut, missingersuutitut ilanngussami kukkusoqarsimagunartoq ataatsimiititaliamit maluginiarneqarpoq, tassani titarnermi siullermi allassimammatt kont pingaarnermi aningaasaliissutit ikilineqarnissaat qinnutigineqartoq. Taarsiullugu konto pingaarnermi aningaasaliissutit amerlineqarnissaa qinnutigineqartoq ataatsimiititaliamit naatsorsuutigineqarpoq.

Aningaasaqarnermut Ataatsimiititaliap aalajangiinera

Siuliani allassimasunik oqaaseqaateqarluni Naalakkersuisut inassuteqaataasa isummerfiginissaat ataatsimiititaliamit **kinguartinneqarpoq**.

Inussiarnersumik inuulluaqqusillunga



Erik Jensen

Aningaasaqarnermut Akileraartarnermullu Ataatsimiititaliap siulittaasua